



Referencia:	2025/23585Y
Procedemento:	Expedientes de aprobación y modificación de los presupuestos del Consorcio CIS
Interesado:	
Representante:	
INTERVENCIÓN (4855)	

Exp: 2025/ 23585 Y

Asunto: Informe preceptivo de Intervención relativo ao proxecto do orzamento do Consorcio Provincial de Ourense para a prestación do servizo contra incendios e de salvamento para o exercicio 2026.

Esta intervención, en virtude das facultades recollidas no artigo 4.1 do Real Decreto 128/2018, do 16 de marzo, polo que se regula o réxime xurídico dos funcionarios de Administración Local con habilitación de carácter nacional, ao amparo do disposto no artigo 168.1 e) do Real Decreto Legislativo 2/2004, do 5 de marzo, polo que se aproba o Texto Refundido da Lei Reguladora das Facendas Locais, así como no artigo 18.21 e) do Real Decreto 500/1990, do 20 de abril, polo que se desenvolve o capítulo primeiro do título sexto da Lei 39/1998, do 28 de decembro, reguladora das Facendas Locais, en materia de orzamentos, do que é Presidente D. Luís Menor Pérez en cumprimento da citada base legal **emítese o seguinte:**

INFORME DE CONTROL FINANCIERO PERMANENTE

Mediante a providencia asinada o 31 de outubro de 2025 polo presidente do consorcio incóase o expediente de aprobación do Orzamento do Consorcio Provincial de Ourense para a prestación do servizo contra incendios e de salvamento para o exercicio 2026.

Constan no expediente administrativo de referencia, na data de emisión do presente informe, os Estados de Gastos e Ingresos do Orzamento da entidade formados pola Presidencia, así como o anexo de persoal, a liquidación do orzamento do exercicio 2024, o avance da liquidación do Orzamento do exercicio 2025 e o anexo de investimentos.

Primeiro. Normativa aplicable



- Constitución española (artigo 135).
- Real Decreto Legislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais.
- RD 500/1990, de 20 de abril, polo que se desenrola o capítulo primeiro do título sexto da Lei 39/1988, de 28 de decembro, reguladora das Facendas Locais, en materia de orzamentos.
- Lei 7/1985, do 2 de abril, reguladora das bases do réxime local (LBRL, en adiante).
- Real Decreto 1463/2007, de 2 de novembro, polo que se aproba o regulamento de desenrolo da Lei 18/2001, de 12 de decembro, de estabilidade orzamentaria, na súa aplicación as entidades locais.
- Orde EHA/3565/2008, do 3 de decembro, pola que se aproba a estrutura dos orzamentos das Entidades Locais (Orde EHA/3565/2008 en adiante)
- Lei orgánica 2/2012, de 27 de abril de estabilidade orzamentaria e sustentabilidade financeira
- Orde HAP/1783/2013, de 20 de setembro, pola que se aproba a instrución do modelo normal da contabilidade local.
- Real Decreto Legislativo 5/2015, polo que se aproba o Texto refundido do Estatuto Básico do Empregado Público (TREBEP en adiante).
- RD 424/2017, de 28 de abril, de réxime xurídico do control interno das entidades do sector público local.
- RD 128/2018, de 16 de marzo, polo que se regula o réxime xurídico dos funcionarios da administración local con habilitación nacional.
- Lei 47/2003. De 26 de novembro, pola que se aproba a Lei Xeral Orzamentaria.
- Lei 40/2015, do 1 de outubro, do Réxime Xurídico do Sector Público.
- Lei Orzamentos Xerais do Estado e demais disposicións concordantes.

Segundo determina o artigo 118.1 da Lei 40/2015, do 1 de outubro, do Réxime Xurídico do Sector Público, “ *Los consorcios son entidades de derecho público, con personalidad jurídica propia y diferenciada, creadas por varias Administraciones Públicas o entidades integrantes del sector público institucional, entre sí o con participación de entidades privadas, para el desarrollo de actividades de interés común a todas ellas dentro del ámbito de sus competencias*”.

O réxime orzamentario do Consorcio, de contabilidade, control económico – financeiro e patrimonial, segundo o establecido no artigo 122.1 da Lei 40/2015, establece que : “ *Los consorcios estarán sujetos al régimen de presupuestación, contabilidad y control de la Administración Pública a la que estén adscritos, sin perjuicio de su sujeción a lo previsto en la Ley Orgánica 2/2012, de 27 de abril*”.

O artigo 4.1.b) do RD 128/2018 determina que o exercicio do control financeiro incluírá, en todo caso, as actuacións de control atribuídas no ordenamento xurídico ao Órgano Interventor (coñecido como



control financeiro permanente concomitante), entre as que se atopa o informe dos proxectos dos orzamentos.

Deste modo, en aras de dar cumprimento aos preceptos legais anteriormente referidos, emítese por esta Intervención o informe preceptivo relativo ao proxecto do Orzamento para o exercicio 2026 do Consorcio Provincial de Ourense para a prestación do servizo contra incendios e de salvamento (en adiante, CIS) , formado polo Sr. Presidente do Consorcio, en cumprimento do preceptuado no artigo 168.4 do texto refundido da Lei de Facendas Locais e 18.1 do Real Decreto 500/90.

Segundo. Informe do Órgano interventor.

O presente informe vén motivado pola previsión legal recollida no artigo 168.4 do TRLRFL, segundo o cal o presidente da entidade formará o Orzamento Xeral e remitirallo, informado pola Intervención, ao Pleno da corporación antes do día 15 de outubro para a súa aprobación, emenda ou devolución (idéntica previsión legal figura recollida no artigo 18.4 do RD 500/90).

Pola súa parte, o artigo 4.1.b) do RD 128/2018 determina que o exercicio do control financeiro incluírá, en todo caso, as actuacións de control atribuídas no ordenamento xurídico ao Órgano Interventor (coñecido como control financeiro permanente concomitante), entre as que se atopa o informe dos proxectos dos orzamentos.

Deste modo, en aras de dar cumprimento aos preceptos legais anteriormente referidos, emítese por esta Intervención Xeral o informe relativo ao proxecto do Orzamento para o exercicio 2026.

Terceiro. O Orzamento do consorcio.

O artigo 162 do texto refundido da Lei Reguladora das Facendas Locais, aprobado polo Real Decreto Legislativo 2/2004, de 5 de marzo define os Orzamentos Xerais das Entidades locais, establecendo que constitúen a expresión cifrada, conxunta e sistemática das obrigas que, como máximo, poden recoñecer a Entidade e os seus Organismos Autónomos, e dos dereitos que prevexan liquidar durante o correspondente exercicio, así como das previsións de ingresos e gastos das sociedades mercantís cuxo capital social pertenza integramente á Entidade local correspondente.

Pola súa parte, o artigo 164 da citada norma establece que as Entidades locais elaborarán e aprobarán anualmente un orzamento xeral. En termos similares o artigo 112 da Lei 7/1985, de 2 de abril, reguladora das Bases do Réxime Local recolle que as entidades locais aprobarán anualmente un orzamento único.



O proxecto do orzamento do CIS para o exercicio económico de 2026 formado polo Presidente do Consorcio **está formalmente equilibrado** e cumpre co preceptuado no artigo 165.4 do Texto Refundido da Lei de Facendas Locais e 16.1 do Real Decreto 500/90 de 20 de abril.

Segundo os artigos 164 a 166 do texto refundido da Lei Reguladora das Facendas Locais, aprobado polo Real Decreto Lexislativo 2/2004, de 5 de marzo, ao orzamento deberá de unirse a seguinte documentación:

- Estado de gastos e estado de ingresos da proposta de orzamento do CIS.
- Memoria explicativa do Orzamento.
- Liquidación do orzamento do exercicio anterior e avance da do corrente, referida, polo menos, a seis meses do exercicio corrente.
- Bases de execución do orzamento.
- Anexo do persoal da Entidade Local.
- Anexo dos investimentos.
- Anexo de beneficios fiscais en tributos locais.
- Anexo de convenios subscritos coas Comunidades Autónomas en materia de gasto social.
- Anexo do Estado da Débeda.
- Informe económico-financeiro.
- Informe do cálculo da Estabilidade Orzamentaria e a Sustentabilidade Financeira.

De conformidade co disposto nos citados artigos do texto refundido da Lei Reguladora das Facendas Locais, aprobado polo Real Decreto Lexislativo 2/2004, de 5 de marzo, o expediente contén toda a documentación esixida e todas as previsións que a normativa establece, e cumpre con todos os trámites esixidos.

O Consorcio non dispón de ningún tipo de convenios subscritos, nin ten débeda nin beneficios fiscais en tributos locais, polo que no se axuntan a este expediente.

O proxecto de Orzamento xeral do CIS para o exercicio económico 2026, ascende á cantidade de 6.480.000,00,00 euros no Estado de Gastos e de 6.480.000,00 euros no Estado de Ingresos.

Non presenta déficit inicial, cumprindo así co previsto no artigo 165.4 do texto refundido da Lei Reguladora das Facendas Locais, aprobado polo Real Decreto Lexislativo 2/2004, de 5 de marzo.

O proxecto de Orzamento Xeral para o exercicio 2026 que se someterá primeiro á aprobación polo Pleno do Consorcio e unha vez sexa aprobado inicialmente por este, se someterá a aprobación do



Pleno da Corporación provincial, está estruturado e adaptado ao previsto na Orde EHA/3565/2008, de 3 de decembro de 2008, pola que se aproba a estrutura dos Orzamentos das Entidades Locais.

Os estados de ingresos do Orzamento que ascende a 6.480.000,00 euros, confeccionáronse conforme ao regulado nos apartados 1 e 2 do artigo 167 do Real Decreto Legislativo 2/2004, de 5 de marzo, polo que se aproba o texto refundido da Lei Reguladora das Facendas Locais e na Orde EHA/3565/2008, de 3 de decembro, pola que se aproba a Estrutura dos Orzamentos das Entidades Locais, modificada pola Orde HAP/419/2014, de 14 de marzo.

Do mesmo xeito, os estados de gastos que ascenden a 6.480.000,00 euros atenden ao disposto no artigo 167 TRLRHL e na Orde EHA/3565/2008, de 3 de decembro, pola que se aproba a Estrutura dos Orzamentos das Entidades Locais, modificada pola Orde HAP/419/2014, de 14 de marzo.

A aplicación orzamentaria definiuse, polo menos, pola conxunción das clasificacións por programas e económica, a nivel de grupos de programas e concepto, respectivamente.

De conformidade co disposto nas bases de execución do Orzamento, nos créditos do estado de gastos e respecto da Clasificación por Programas, o nivel de vinculación xurídica é, como mínimo, a nivel de Área de Gasto, e respecto da clasificación económica é, como mínimo, o do Capítulo, cumprindo o previsto no artigo 29 do Real Decreto 500/1990 para os niveis de vinculación.

Cada Entidade pode definir os seus niveis de vinculación xurídica dos créditos orzamentarios nas súas bases de execución do orzamento. No caso de que se faga uso desta facultade deberanse respectar as limitacións contidas no artigo 29 do Real Decreto 500/1990 para os niveis de vinculación.

A vinculación xurídica expresa a que nivel actúa o principio de especialidade cualitativa. A fin de facilitar a xestión do orzamento e evitar a necesidade de realizar continúas modificacións do mesmo, co trámite que iso implica, é posible establecer niveis máis amplos que a aplicación orzamentaria. Aínda que, o control contable dos créditos, sempre se deberá realizar en relación á aplicación orzamentaria, o control fiscal realizarase sobre o nivel que se estipule na vinculación xurídica.

A vinculación xurídica do CIS estímase a nivel de Área de gasto e respecto a clasificación económica, a nivel de capítulo.

Cuarto. Principios orzamentarios.



De conformidade coa normativa vixente en materia orzamentaria, o orzamento debe respectar os principios orzamentarios, que actúan como regras básicas que determinan o seu contido e ámbito temporal, así como determinados aspectos do mesmo.

Tal e como se desprende deste informe, así como da restante documentación que obra no expediente, entre os citados principios, que se cumpre na súa totalidade, cabería destacar os seguintes:

- Principio de estabilidade:

A elaboración, aprobación e execución do Orzamento realizarase nun marco de estabilidade orzamentaria, coherente coa normativa europea, entendendo como tal a situación de equilibrio financeiro (art. 3 LOEOSF).

- Principio de equilibrio:

Cada un dos orzamentos que integran o Orzamento Xeral deberanse aprobar sen déficit inicial (art.165.4 TRLRFL).

- Principio de orzamento bruto:

Os dereitos liquidados e as obrigas recoñecidas aplicaranse aos orzamentos polo seu importe íntegro, quedando prohibido atender obrigas mediante minoración dos dereitos para liquidar ou xa ingresados, salvo que a lei o autorice de modo expreso (art. 165.3 TRLRFL).

- Principio de anualidade:

O exercicio orzamentario coincidirá co ano natural e a el imputaranse os dereitos liquidados no exercicio, calquera que sexa o período do que deriven, así como as obrigas recoñecidas durante o exercicio (art. 163 TRLRFL).

- Principio de universalidade:

O Orzamento Xeral conterà para cada un dos orzamentos que o integran, coa debida especificación, os créditos necesarios para atender o cumprimento das obrigas, así como así as estimacións dos distintos recursos a liquidar no exercicio (art. 165.1 TRLRFL).

- Principio de unidade:

As Entidades Locais (EELL en diante) elaborarán e aprobarán anualmente un Orzamento Xeral no que se integren o orzamento da propia entidade, os dos organismos autónomos dependentes desta e



os estados de previsión de gastos e ingresos das sociedades mercantís cuxo capital social pertenza integramente á entidade local (art. 164.1 TRLRFL).

- Principio de unidade de caixa:

Os fondos e valores xerados por operacións orzamentarias e non orzamentarias deberanse centralizar nunha caixa única, co fin de atender as obrigas contraídas pola entidade (art. 196 TRLRHL).

- Principio de non afectación:

Os recursos da entidade local e de cada un dos seus organismos autónomos e sociedades mercantís destinaranse a satisfacer o conxunto das súas respectivas obrigas, salvo no caso de ingresos específicos afectados a fins determinados (art. 165.2 TRLRHL).

- Principio de especificación ou de especialidade dos créditos:

Este principio deberase respectar na súa triple vertente: cualitativa, cuantitativa e temporal.

a) Especialidade cualitativa: os créditos para gastos destinaranse exclusivamente á finalidade específica para a cal fosen autorizados no Orzamento Xeral da entidade local ou polas súas modificacións debidamente aprobadas (art. 24 RD 500/1990).

b) Especialidade cuantitativa: os créditos autorizados terán carácter limitativo e vinculante, sen que se poidan adquirir compromisos de gasto en contía superior ao importe dos créditos autorizados nos estados de gastos, sendo nulos de pleno dereito os acordos, resolucións e actos administrativos que infrinxan a expresada norma, sen prexuízo das responsabilidades ás que haxa lugar (art. 25 RD 500/1990).

c) Especialidade temporal: con cargo aos créditos do estado de gastos de cada Orzamento só poderán contraerse obrigacións derivadas de adquisicións, obras, servizos e demais prestacións ou gastos en xeral que se realicen no ano natural do propio exercicio orzamentario, sen prexuízo das excepcións recollidas no artigo 26.2 do RD 500/1990.

- Principio de competencia.

Quinto. Tramitación do expediente. Fases



A tramitación do expediente para a aprobación do Orzamento acomodarse ao seguinte procedemento,

- El proxecto de orzamento, informado pola interventora, e cos anexos e a documentación complementaria, será remitido polo presidente ao Pleno do consorcio, e posteriormente ao Pleno da Deputación Provincial, antes do 15 de outubro para súa aprobación, emenda ou devolución (art. 168.4 TRLRFL e art 18.4 RD 500/90).
- Aprobación inicial do Orzamento polo Pleno do Consorcio e do Pleno da Deputación.
- Exposición pública nos BOP e taboleiro de Edictos por quince días hábiles. De non existir reclamacións, o expediente entenderase definitivamente aprobado. Se existen reclamacións, o expediente debe volver o Pleno, que resolverá sobre as mesmas nun prazo máximo dun mes. (art. 169.1 TRLRFL e 20.1 RD 500/90).

A aprobación definitiva do Orzamento terá que realizarse antes do 31 de decembro do exercicio anterior ao que debe aplicarse.

No suposto caso de que ao iniciarse o exercicio económico, o Orzamento no houbese entrado en vigor, se considerará automaticamente prorrogado o do exercicio anterior, sen prexuízo das modificacións que se realicen conforme ao disposto nos artigos 177,178 e 179 do TRLRFL e hasta a entrada en vigor do novo Orzamento (artigo 169.6 TRLRFL e artigo 21.1 RD 500/90).

- O Orzamento definitivamente aprobado será inserido no Boletín Oficial da Corporación, si lo tivera, e resumido por capítulos no Boletín Oficial da Provincia (artigos 169.6 TRLRFL e 21.1 RD 500/1990).
- Inserción do orzamento do Consorcio unha vez aprobado definitivamente, no Orzamento xeral da Deputación.
- Remisión de copia á Administración do Estado e da CCAA
- O expediente deberá estar a disposición do público ao longo de todo o exercicio xunto coas modificacións que se produzan.

Impugnación do Orzamento

En relación co réxime de impugnación do Orzamento do consorcio, de conformidade cos artigos 170 e 171 do TRLRFL, tan só caberá impugnar este mediante algunha das opcións seguintes:

- Por non se axustar a súa elaboración e aprobación aos trámites establecidos no TRLRFL.
- Por omitir o crédito necesario para o cumprimento de obrigas esixibles á entidade local, en virtude de precepto legal ou de calquera outro título lexítimo.



- Por seren de manifesta insuficiencia os ingresos con relación aos gastos presupostados, ou ben destes respecto ás necesidades para as que estea previsto.

Para estes efectos, terán a consideración de interesados:

- Os habitantes no territorio da respectiva entidade local.
- Os que resulten directamente afectados, aínda que non habiten no territorio da entidade local.
- Os colexios oficiais, cámaras oficiais, sindicatos, asociacións e demais entidades legalmente constituídas para velar por intereses profesionais ou económicos e veciñais, cando actúen en defensa dos que lles son propios.

Interposición dun recurso contencioso-administrativo

Contra a aprobación definitiva do orzamento poderá interpoñerse directamente recurso contencioso-administrativo, na forma e prazos que establecen as normas da dita xurisdición, debendo o Tribunal de Contas informar previamente á resolución do recurso cando a impugnación afecte ou se refira á nivelación orzamentaria. Non obstante, a interposición de recursos non suspenderá por si soa a aplicación do orzamento definitivamente aprobado pola corporación.

Sexto. Análise do Orzamento do Consorcio .

A) Gastos de persoal.

O capítulo 1 de gastos engloba os créditos destinados para as retribucións do persoal do Consorcio máis os gastos de Seguridade Social a cargo da empresa dos mesmos.

Desde o **01 de febreiro do exercicio 2023 asume a xestión directa do consorcio** subrogando ao persoal de todos os parques de bombeiros da provincia de Ourense. Cando unha administración pública se subroga, por transmisión de empresa, nun contrato de traballo que tiña carácter indefinido deben manter a categoría de traballadores fixos do Consorcio nas correspondentes unidades produtivas.

As prazas de persoal laboral configúranse como prazas de persoal laboral fixo en atención ao seu carácter estrutural, e sen prexuízo da concreta situación xurídica do persoal que actualmente ocupa as prazas.



A previsión da subida salarial nas retribucións correspondente ao exercicio 2026 está incluída nos orzamentos, sen prexuízo da súa confirmación na Lei de Orzamentos do Estado. Inclúese o 2% pendente correspondente a subida salarial do exercicio 2025 non aprobada na data deste informe.

Existe correlación entre os créditos do capítulo I do orzamento (Gastos de Persoal) o anexo de Persoal desta entidade local ascendendo a cantidade de **5.227.709,50 euros (13000/01 + 150000+16000+16009)**.

Inclúese neste capítulo de persoal unha cantidade estimada necesaria para facer fronte ás horas extraordinarias do persoal operativo co fin de cubrir baixas, vacacións, días de asuntos propios, etc., e que estímase sexan necesarios **468.000,00 euros** .

O I convenio colectivo que regula as condicións do persoal laboral operativo dos parques dependentes do consorcio provincial de bombeiros de Ourense, publícase definitivamente o 24 de marzo de 2025 no Boletín Oficial da provincia, con efectos retroactivos desde o 1 de xaneiro de 2025. Inclúense nestes orzamentos as cantidades indicadas nos artigos 30 e 31 para posibles anticipos de persoal e acción social.

B) Compra de bens correntes e servizos.-

O capítulo II do orzamento de gastos contén os créditos necesarios para o pago de seguros de RC, vestiario, material de oficina, comunicacións, destacando sobre o resto a cantidade destinada a estudos e traballos técnicos, xa que se inclúe o coste da prestación de servizos indispensables para a actividade ordinaria do consorcio e que se xestionan a través dunha empresa, antiga concesionaria do servizo. Inclúese nestes orzamentos ás aportacións necesarias para a contratación das empresas de limpeza de tres dos catro parques de bombeiros.

Dende que o Consorcio asumiu a xestión directa do servizo houbo que engadir unha cantidade para asumir os custes das asistencias xurídicas motivado pola gran cantidade de demandas presentadas polo persoal operativo dos catro parques de bombeiros.

C) Inversións reais

Neste capítulo á cantidade máis destacada corresponde á adaptación necesaria dos vehículos para cumprir coa normativa imposta.



Os ingresos correntes orzamentarios, tal e como se especifica no correspondente informe Económico-financieiro suscrito pola presidencia, están previstos nos estatutos do Consorcio, publicado no DOGA o día 08 de maio de 2015.

A **Xunta de Galicia** aporta un 62,5% do déficit xurdido no borrador do orzamento, incrementándose neste exercicio con respecto ao exercicio 2025 na cantidade de 543.378,12 euros.

A **Deputación Provincial de Ourense** aporta a ese déficit un 37,5 % incrementándose neste exercicio con respecto ao exercicio anterior en 326.026,88 €.

A aportación da xestora de concertos á contribución dos servizos de extinción de incendios (UNESPA) mantense con respecto ao 2025.

Aplícase o principio de prudencia en todo este orzamento.

As bases de execución do orzamento regulan axeitadamente a xestión orzamentaria e contable, contendo tódalas disposicións a que fan referencia os artigos 165.1 da Lei de Facendas Locais e o artigo 9.2 do Real Decreto 500/90 de 20 de abril: *“El Presupuesto General atenderá al cumplimiento del principio de estabilidad en los términos previstos en la ley 18/2001, General de Estabilidad Presupuestaria, y contendrá para cada uno de los presupuestos que en él se integren:*

los estados de gastos, en los que se incluirán, con la debida especificación, los créditos necesarios para atender al cumplimiento de las obligaciones

Los estados de ingresos, en los que figurarán las estimaciones de los distintos recursos económicos a liquidar durante el ejercicio.

Asimismo, incluirá las Bases de Ejecución, que contendrán la adaptación de las disposiciones generales en materia presupuestaria a la organización y circunstancias de la propia Entidad (...).”

O que non estea regulado nestas Bases, aplícase o establecido nas Bases de execución do Orzamento xeral da Entidade matriz, a Deputación Provincial de Ourense

O anexo das investimentos detalla os investimentos previstos para o exercicio 2026 pola xerencia do Consorcio.

Sétimo. Avaliación do cumprimento da estabilidade orzamentaria, regra de gasto e débeda pública segundo o exposto na Lei orgánica 2/2012, de 27 de abril de Estabilidade Orzamentaria e Sostenibilidade Financeira.

A reactivación das regras fiscais no exercicio 2024 supón que o orzamento para este exercicio terá que cumprir cos obxectivos de estabilidade orzamentaria. Neste caso, cumpre co obxectivo de



estabilidade orzamentaria na aprobación inicial do orzamento do Consorcio provincial de Ourense para a prestación do servizo contra incendios e de salvamento para o exercicio 2026.

É importante destacar que calquera variación orzamentaria que implique o uso do remanente de tesourería para gastos xerais procedentes da liquidación do exercicio 2025, provocará un incumprimento das regras fiscais, e do Plan económico financeiro 2025-2026 aprobado polo Pleno da Diputación Provincial de Ourense o 24 de xullo de 2025 . e serán de aplicación as medidas previstas nos artigos 21 e 23 da LO 2/2012, de 27 de abril, de Estabilidade Orzamentaria e sustentabilidade financeira.

O cálculo da variable capacidade o necesidade de financiación no marco das entidades locais, en termos orzamentarios, obtense da diferenza entre os capítulos 1 a 7 do orzamento de ingresos e os capítulos 1 a 7 do orzamento de gastos.

- Ingresos non financeiros (Cap. 1 a 7 de ingresos) : 6.476.000,00 euros.
- Gastos non financeiros (Cap. 1 a 7 de gastos): 6.476.000,00 euros.
- Capacidade (+) / necesidade (-) = 0,00 € (sen axustes SEC).

Esta operación debe calcularse a nivel consolidado, polo tanto, estes datos do CIS formarán parte do cálculo de estabilidade orzamentaria da entidade matriz, a Deputación Provincial de Ourense.

O cálculo da regra de gasto non é avaliable con motivo da aprobación do Orzamento, soamente é obrigatorio o seu cálculo no momento da liquidación do exercicio.

Non existe débeda financeira no Consorcio, a esta data.

No boletín oficial da provincia número 83 de 29 de abril de 2024, publícase a aprobación con carácter definitivo da “Memoria sobre os aspectos sociais, xurídicos, económicos, técnicos e financeiros da xestión do servizo de extinción de incendios e de salvamento do Consorcio Provincial de Ourense”, **na que se recollía un aforro de recursos públicos por importe de 203.160,52 €**, e determínase como forma de xestión máis sostible e eficiente, de entre as establecidas no artigo 85.2 da Lei 7/1985, do 2 de abril, (LBRL), a xestión directa, mediante persoal propio do Consorcio Provincial de Ourense para a prestación do servizo contra incendios e salvamento.

O total dos gastos e ingresos máximos incluídos na memoria técnica para a determinación da forma de xestión máis sostible e eficiente alcanzaban a cantidade de 4.174.939,48 euros, Asumida a xestión



directa por parte deste consorcio, as previsión da memoria son insuficientes para facer fronte á actividade ordinaria do mesmo.

O proxecto de Orzamento xeral do CIS para o exercicio económico 2026, ascende á cantidade de 6.480.000,00 euros no Estado de Gastos e de 6.480.000,00 euros no Estado de Ingresos, o que implica que supera ao estimado na memoria técnica en 2.305.060,52 euros, provocando un déficit importante para o consorcio.

CONCLUSIÓN

Tendo en conta os fundamentos xurídicos expostos, e unha vez examinado o proxecto do Orzamento do Consorcio Provincial de Ourense para a prestación do servizo contra incendios e de Salvamento para o exercicio 2026.

Procede informar favorablemente, sobre o proxecto do Orzamento do Consorcio para o exercicio 2026, opinión que se somete ao Pleno do Consorcio.

En Ourense, na data da sinatura electrónica,

A Interventora do consorcio